

წინამდებარე ხელშეკრულება დაიდო 2019 წლის 22 ნოემბერი, ერთის მხრივ სსიპ „საქართველოს კულტურული მემკვიდრეობის დაცვის ეროვნული სააგენტო“ (შემდგომში „შემსყიდველი“) წარმოდგენილი მისი გენერალური დირექტორის ნიკოლოზ ანთიძის სახით და მეორეს მხრივ, ააიპ სიძველეთა დაცვისა და შესწავლის ცენტრი - თრიალეთი (შემდგომში „მიმწოდებელი“) წარმოდგენილი მისი გამგეობის თავმჯდომარის გოდერძი ნარიმანაშვილის სახით, „სახელმწიფო შესყიდვების შესახებ“ საქართველოს კანონის და პრეტენდენტის სატენდერო წინადადების საფუძველზე.

შემსყიდველმა ჩაატარა ელექტრონული ტენდერი (სატენდერო განცხადების ნომერი NAT190020801) თეთრიწყაროს მუნიციპალიტეტი, სოფ. ქვემო ახალშენის ისტორიული ნამოსახლარის ტერიტორიის წინასაპროექტო დოკუმენტაციის მომზადების მომსახურების შესყიდვაზე (CPV კოდი 71320000), რომელშიც გამარჯვებულად მიჩნეული იქნა მიმწოდებლის სატენდერო წინადადება, რომლის თანახმად მიმწოდებელმა აიღო ვალდებულება განახორციელოს მომსახურება შემდეგ თანხაზე 199'999.22 (ასოთხმოცდაცხრამეტი ათას ცხრასასოთხმოცდაცხრამეტი ლარი და 22 თეთრი) ლარი ყველა გადასახადის ჩათვლით დღეს-ჩათვლით (შემდგომში „ხელშეკრულების ღირებულება“).

## 1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომ – „ხელშეკრულება“) – შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3 „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.4 „მიმწოდებელი“ ნიშნავს პირს, რომელმაც მოიპოვა გამარჯვება ტენდერში და უზრუნველყოფს სამუშაოს შესრულებას სახელმწიფო შესყიდვის შესახებ მოცემული ხელშეკრულების ფარგლებში;
- 1.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს.

## 2. შესყიდვის ობიექტი

2.1 შესყიდვის ობიექტია თეთრიწყაროს მუნიციპალიტეტი, სოფ. ქვემო ახალშენის ისტორიული ნამოსახლარის ტერიტორიის წინასაპროექტო დოკუმენტაციის მომზადების მომსახურება, რომელიც განისაზღვრება ტექნიკური დავალების და სამუშაოების ხარჯთაღრიცხვის შესაბამისად. შესყიდვის ტექნიკური დავალება და ხარჯთაღრიცხვა თან ერთვის ხელშეკრულებას და წარმოადგენს მის განუყოფელ ნაწილს (იხ. დანართი 1 და დანართი 2).

## 3. სამუშაოს შესრულების პირობები

- 3.1 სამუშაოს შესრულების ადგილია - თეთრიწყაროს მუნიციპალიტეტი, სოფ. ქვემო ახალშენის ისტორიული ნამოსახლარის ტერიტორია.
- 3.2 შესრულებული სამუშაოთა პირველი ეტაპის ჩაბარების ვადა - არაუგვიანეს 2019 წლის 10 დეკემბრისა.
- 3.3 შესრულებული სამუშაოთა ანგარიშის ჩაბარების საბოლოო ვადა - ხელშეკრულების დადებიდან 100 კალენდარული დღით.

## 4. ხელშეკრულების შესრულების კონტროლი

- 4.1 შემსყიდველს ან მის წარმომადგენლებს უფლება აქვთ ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე და განახორციელოს შესრულებული სამუშაოს პერიოდული ინსპექტირება.
- 4.2 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.
- 4.3 შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს დაწუნებული სამუშაოების ნაწილის და წუნდების მიზეზების მითითებით.
- 4.4 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა შემსყიდველის მიერ მითითებულ ვადაში.
- 4.5 შემსყიდველს უფლება აქვს განახორციელოს ტექნიკური ზედამხედველობა, მშენებლობის ნებისმიერ მომენტში შეამოწმოს გამოყენებული მასალებისა და სამუშაოთა შესრულების ხარისხი. იმ შემთხვევაში, თუ ხარისხი არ აღმოჩნდება სამშენებლო ნორმებისა და სტანდარტების შესაბამისი, შემსყიდველი მხარე უფლებამოსილია შეაჩეროს სამშენებლო სამუშაოთა წარმოება და აკრძალოს შეუსაბამო მასალების გამოყენება.
- 4.6 გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

4.7 ამ მუხლის არც ერთი პუნქტი არ ათავისუფლებს მიმწოდებელს მოცემული ხელშეკრულების სხვა ვალდებულებებისაგან.

4.8 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებენ სსიპ „საქართველოს კულტურული მემკვიდრეობის დაცვის ეროვნული სააგენტოს“ თანამშრომლები: ძეგლთა რეაბილიტაციის სამსახურის უფროსი - **გ. სოსანიძე**, არქეოლოგიის სამსახურის უფროსი - **კ. ფიცხელაური**.

## **5. შესყიდვის ობიექტის მიღება-ჩაბარების წესი**

5.1. მიმწოდებელი ატყობინებს შემსყიდველს სამუშაოთა ეტაპობრივი და საბოლოო დასრულების შესახებ.

5.2. წარმოდგენილი პირობებისა და ვადების ფარგლებში მიმწოდებელმა საბოლოო პროდუქციის სახით შემსყიდველს უნდა გადასცეს შესრულებული სამუშაოები, შესრულებული სამუშაოების ანგარიში (საქართველოს კანონის „კულტურული მემკვიდრეობის შესახებ“ მოთხოვნათა შესაბამისად), შესრულებული სამუშაოების აქტები (ფორმა 2).

5.3. შემსყიდველი ამოწმებს მიმწოდებლის მიერ შესრულებული სამუშაოს სრულყოფილებას, მიმწოდებლის მიერ შესაბამისი დოკუმენტების წარმოდგენის დღიდან 10 (ათი) სამუშაო დღის ვადაში.

5.4. სამუშაოების დასრულების შემდგომ ხელშეკრულების 4.8 მუხლში აღნიშნული პირების მიერ შემოწმების შედეგად შედგება შესაბამისი დასკვნა და მიღება-ჩაბარების აქტი.

5.5. თუ შესრულებული სამუშაო არ შეესაბამება წინამდებარე ხელშეკრულების პირობებს, შემსყიდველი დადგენილი წესის შესაბამისად მიმწოდებელთან ერთად ან მის გარეშე ადგენს აქტს.

5.6. მიმწოდებელი ვალდებულია წუნის (დეფექტების) აღმოჩენის შესახებ შესაბამისი აქტის გაფორმებიდან 10 (ათი) კალენდარული დღის ვადაში აღმოფხვრას ინსპექტირების შედეგად აღმოჩენილი დეფექტები.

5.7. თუ შემსყიდველმა სამუშაოები შეაფასა წუნით, დასრულებულად ჩაითვლება სამუშაოები დეფექტების აღმოფხვრის შემდეგ.

5.8. შესყიდვის ობიექტის მიღება განხორციელდება მხარეთა მიერ შედგენილი მიღება-ჩაბარების აქტ(ებ)ის საფუძველზე (შემსყიდველის მხრიდან მიღება-ჩაბარების აქტ(ებ)ის გაფორმებაზე უფლებამოსილ პირ(ებ)ს წარმოადგენენ წინამდებარე ხელშეკრულების პირობების 4.8 მუხლში მითითებული პირები).

5.9. მიღება-ჩაბარების აქტების გაფორმების პარალელურად, მიმწოდებელი ვალდებულია წარმოუდგინოს შემსყიდველს შესაბამისი საგადასახადო დოკუმენტაცია (მოქმედი კანონმდებლობის შესაბამისად).

## **6. ანგარიშსწორება**

6.1 ანგარიშსწორება მოხდება ლარებში სსიპ „საქართველოს კულტურული მემკვიდრეობის დაცვის ეროვნული სააგენტოს“ **2019 წლის ბიუჯეტის სახსრებით**.

6.2 გადახდის ფორმა – უნაღდო.

6.3 შესრულებული სამუშაოს ანგარიშსწორება განხორციელდება, ეტაპობრივად, მხარეთა მიერ შედგენილი მიღება-ჩაბარების აქტ(ებ)ის მიხედვით. იმ შემთხვევაში, თუ განსაზღვრული გარემოებების გამო, მიმწოდებლის მიერ შესრულებული სამუშაოების ღირებულებამ შეადგინა ამ ხელშეკრულებით გათვალისწინებულ თანხაზე ნაკლები, შემსყიდველი აუნაზღაურებს მიმწოდებელს მის მიერ ფაქტიურად შესრულებული სამუშაოს ღირებულებას წინამდებარე ხელშეკრულებით განსაზღვრული ერთეულის ფასების შესაბამისად.

6.4 ანგარიშსწორება მოხდება მიღება-ჩაბარების აქტის გაფორმებისა და საქართველოს კანონმდებლობით გათვალისწინებული შესაბამისი საგადასახადო დოკუმენტაციის წარდგენიდან 30 (ოცდაათი) კალენდარული დღის ვადაში, მაგრამ არაუგვიანეს 2019 წლის 31 დეკემბრისა.

6.5 წინასწარი ანგარიშსწორების შემთხვევაში მიმწოდებელი ვალდებულია, წარმოადგინოს ავანსის სახით გადასახდელ თანხაზე საავანსო საბანკო გარანტია, (ხელშეკრულების საერთო ღირებულების 100%), რომლის მოქმედების ვადა 60 (სამოცი) კალენდარული დღით უნდა აღემატებოდეს შესყიდვის ობიექტის მიწოდების ვადას. საავანსო თანხის გადახდა მოხდება შესაბამისი საბანკო გარანტიის წარმოდგენის დღიდან არაუგვიანეს 10 (ათი) სამუშაო დღის ვადაში.

## **7. ფასები**

7.1 მიმწოდებლის მიერ დაფიქსირებული შესყიდვის ობიექტის ფასი წარმოადგენს ხელშეკრულების ღირებულებით პარამეტრებს.

7.2 ხელშეკრულების ღირებულებითი პარამეტრების შეცვლა ხელშეკრულების მოქმედების მთელი პერიოდის განმავლობაში დაუშვებელია.

7.3 ხელშეკრულების ღირებულებითი პარამეტრების შეცვლა დასაშვებია მხარეთა შეთანხმებით.

7.4 ხელშეკრულების ღირებულებითი პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

7.5 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

## **8. მხარეთა უფლება-მოვალეობანი**

8.1. შემსყიდველი და მიმწოდებელი მოქმედებენ საქართველოს კანონმდებლობის სრული დაცვით.

8.2 შემსყიდველი ვალდებულია:

8.2.1. დროულად და კეთილსინდისიერად შეასრულოს ხელშეკრულებით ნაკისრი ვალდებულებები;

- 8.2.2. ხელშეკრულებით გათვალისწინებული მომსახურების გაწევისას აცნობოს მიმწოდებელს ყველა განსაკუთრებული გარემოებების წარმოშობის შესახებ;
- 8.2.3. ხელშეკრულებით გათვალისწინებული პირობების შესაბამისად აუნაზღაუროს მიმწოდებელს გაწეული მომსახურების ღირებულება.
- 8.3. შემსყიდველს უფლება აქვს:
- 8.3.1. განახორციელოს კონტროლი და ზედამხედველობა მიმწოდებლის მიერ ხელშეკრულებების პირობების დაცვაზე;
- 8.3.2. განახორციელოს კონტროლი შესაბამისი დოკუმენტაციის შედგენისას;
- 8.3.3. მიიღოს მიმწოდებლისგან სათანადო წესით გაფორმებული დოკუმენტაცია.
- 8.3.4. საქართველოს კანონმდებლობის შესაბამისად შეაჩეროს ან შეწყვიტოს სახელმწიფო შესყიდვის შესახებ დადებული ხელშეკრულების მოქმედება, თუ მიმწოდებლის მიერ წარმოდგენილი საკვალიფიკაციო მონაცემები ყალბი აღმოჩნდება;
- 8.4. მიმწოდებელი ვალდებულია:
- 8.4.1. დროულად და კეთილსინდისიერად შეასრულოს ხელშეკრულებით ნაკისრი ვალდებულებები;
- 8.4.2. მიმწოდებელი ვალდებულია ხელშეკრულების გაფორმებისთანავე, წინასაპროექტო სამუშაოების დაწყებამდე გადაიხადოს სანებართვო მოსაკრებელი კულტურული მემკვიდრეობის ძეგლზე სამუშაოების ნებართვის მისაღებად 50 (ორმოცდაათი) ლარის ოდენობით და აიღოს შესაბამისი ნებართვა ხელშეკრულების გაფორმებიდან 3 (სამი) სამუშაო დღის განმავლობაში, წინააღმდეგ შემთხვევაში შემსყიდველი იტოვებს უფლებას ცალმხრივად შეწყვიტოს ხელშეკრულება.
- 8.4.3. დააკმაყოფილოს შემსყიდველის მოთხოვნა დამატებითი მონაცემების წარმოდგენის შესახებ კანონმდებლობით დადგენილი წესით;
- 8.4.4. დოკუმენტაციაზე რაიმე შენიშვნების აღმოჩენის შემთხვევაში შეტყობინების მიღებისთანავე აღმოფხვრას იგი, შემსყიდველის მხრიდან რაიმე დამატებითი დანახარჯების გაწევის გარეშე;
- 8.5. დოკუმენტაცია წარადგინოს ტექნიკური დავალებით განსაზღვრულ ფორმატში.
- 8.6. მიმწოდებელს უფლება აქვს:
- 8.6.1. მოსთხოვოს შემსყიდველს ხელშეკრულებით გათვალისწინებული პირობების შესაბამისად გაწეული მომსახურების ღირებულების ანაზღაურება.

## 9. ხელშეკრულებაში ცვლილებების შეტანა

- 9.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.
- 9.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.
- 9.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა „სახელმწიფო შესყიდვების შესახებ“ საქართველოს კანონის მოთხოვნათა გათვალისწინებით.
- 9.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

## 10. უფლებების გადაცემა

- 10.1 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი ვალდებულებები მესამე პირს.

## 11. ხელშეკრულების პირობების შეუსრულებლობა

- 11.1. ხელშეკრულებით ნაკისრი ვალდებულებების მთლიანად ან ნაწილობრივ შეუსრულებლობისათვის მიმწოდებელს შეიძლება დაეკისროს პირგასამტეხლო ხელშეკრულების საერთო ღირებულების ან შეუსრულებელი ნაწილის 10%-ის ოდენობით იმისდა მიხედვით მთლიანად არის ვალდებულია შეუსრულებელი თუ ნაწილობრივ;
- 11.2. ხელშეკრულებით ნაკისრი ვალდებულებების შესრულების ვადის (მ.შ. გეგმა-გრაფიკით გათვალისწინებული ვადების ჩამორჩენის, ვადის გადაცილების) გადაცილებისათვის დამრღვევ მხარეს დაეკისრება პირგასამტეხლოს გადახდა, ყოველ ვადაგადაცილებულ დღეზე ხელშეკრულების ღირებულების 0.02%-ის ოდენობით.
- 11.3. მხარეს შეუძლია მოითხოვოს მეორე მხარის მიერ ნაკისრი ვალდებულებების შეუსრულებლობით ან არაჯეროვანი შესრულებით მისთვის მიყენებული ზიანის ანაზღაურება.
- 11.4. ხელშეკრულების არაჯეროვნად შესრულებისას ინსპექტირების ჯგუფის მიერ წუნის (დეფექტების) აღმოჩენის შემთხვევაში, საჯარიმო სანქციების ათვლა მოხდება ხელშეკრულების 4.8. პუნქტში აღნიშნულ აქტში მითითებული წუნის აღმოფხვრისთვის განსაზღვრული ვადის გასვლის შემდეგ.
- 11.5. საჯარიმო სანქციების გადახდა არ ათავისუფლებს მიმწოდებელს ნაკისრი ვალდებულებების შესრულებისგან.
- 11.6. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 3 (სამი) პროცენტს, შემსყიდველი იტოვებს უფლებას შეწყვიტოს ხელშეკრულება.

## 12. ხელშეკრულების შეწყვეტა მისი პირობების შეუსრულებლობის გამო

- 12.1 მიმწოდებლის მიერ ხელშეკრულების პირობების შეუსრულებლობის შემთხვევაში შემსყიდველს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

12.2 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

12.3 ხელშეკრულების შეწყვეტა პირობების დარღვევის გამო არ ათავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისაგან.

12.4 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

დ) საქართველოს კანონმდებლობით გათვალისწინებულ სხვა შემთხვევებში.

12.5 ამ მუხლის მე-4 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად შესრულებული სამუშაოს ღირებულება.

12.6 შემსყიდველი უფლებამოსილია მთლიანად ან ნაწილობრივ ცალმხრივად შეწყვიტოს ხელშეკრულება, თუკი მიმწოდებლის მხრიდან შესყიდვის ობიექტის მიწოდების ვადების დარღვევის პერიოდი აღემატება 15 (თხუთმეტი) კალენდარულ დღეს.

### **13. ფორს-მაჟორი**

13.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

13.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

13.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

### **14. სადაო საკითხების გადაწყვეტა**

14.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოავგარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

14.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხრეს დავის გადაწყვეტის მიზნით შეუძლია დადგენილი წესის და მიხედვით მიმართოს საქართველოს სასამართლოს, თუ ხელშეკრულების პირობებში სხვა რამ არ არის გათვალისწინებული.

### **15. გამოყენებული სამართალი**

15.1 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

### **16. შეტყობინება**

16.1 ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, ტელექსის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

16.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

### **17. გადასახადები და დაბეგრა**

17.1 უცხოელი მიმწოდებელი პასუხს აგებს სამუშაოს შესრულებასთან დაკავშირებული ყველა იმ გადასახადის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში და მის გარეთ.

17.2 ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე, თუ ხელშეკრულების პირობებით სხვა რამ არ არის გათვალისწინებული.

## 18. ხელშეკრულების მოქმედების ვადა

18.1 წინამდებარე ხელშეკრულება ძალაშია მხარეთა მიერ ხელშეკრულების ხელის მოწერის დღიდან, 2020 წლის 31 დეკემბრის ჩათვლით გარდა წინამდებარე ხელშეკრულების 8.4.5. პუნქტისა.

## 19. სხვა პირობები

19.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

19.2. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

19.3. ხელშეკრულება შედგენილია ქართულ ენაზე, ელექტრონული ფორმატით, რომლის ამონაბეჭდი არის ელექტრონული დოკუმენტის ასლი და მას ელექტრონული დოკუმენტის თანაბარი იურიდიული ძალა აქვს. ელექტრონული დოკუმენტი ინახება ხელმოწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

19.4. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

## 20. მხარეთა რეკვიზიტები:

### შემსყიდველი

სსიპ „საქართველოს კულტურული მემკვიდრეობის  
დაცვის ეროვნული სააგენტო“

მის: ქ. თბილისი, თაბუკაშვილის #5

სახელმწიფო ხაზინა

კოდი: TRESGE22

ა/ა # GE24NB0330100200165022

ს/კოდი: 204562311

### გენერალური დირექტორი

ნიკოლოზ ანთიძე

### მიმწოდებელი

ააიპ სიძველეთა დაცვისა და შესწავლის ცენტრი - თრიალეთი

მის: ქ. თბილისი, ვაჟა-ფშაველას 47 კორპ. 19, ბინა 1

ელ. ფოსტა: [likachinchaladze@yahoo.com](mailto:likachinchaladze@yahoo.com)

ტელ.: +995593641969

სს „საქართველოს ბანკი“

კოდი: BAGAGE22

ა/ა GE34 BG00 0000 0195 2773 00

ს/კოდი: 205187484

### გამგეობის თავმჯდომარე

გოდერძი ნარიმანაშვილი

**ხელშეკრულება დამოწმებულია მხარეთა მიერ ელექტრონული ფორმით**

**თეთრიწყაროს მუნიციპალიტეტი, სოფ. ქვემო ახალშენის ისტორიული ნამოსახლარის წინასაპროექტო  
დოკუმენტაციის მომზადების**

**ტექნიკური დავალება**

**❖ პრეამბულა**

ქვემო ახალშენი მდებარეობს მდ. ხრამის კანიონის მარცხენა პლატოზე, სამშვილდისა და პირდებულის გაყოლებაზე დასავლეთით. სამშვილდიდან პირდაპირი ხაზით დაშორებულია 5-6 კმ-ით. სოფელი 20-მდე კომლს ითვლიდა. ამჟამად ის დაცლილია და კერძო საკუთრებაა.

სოფელ ქვემო ახალშენის ტერიტორიაზე და მის სამხრეთითა და აღმოსავლეთით იკითხება ძველი ნასახლარები. ესაა ბაზალტის ნატეხი ქვის მშრალი წყობით ნაგები ყორეები, რომლებიც XX ს. მაცხოვრებელთა საკარმიდამო ნიშნულადაცაა გამოყენებული, ასეთივე ყორეკედლით მონიშნული ქუჩები, კლდეზე ნაგები საურმე გზა; მდინარეზე არსებული ნახიდარი, რომლისგანაც დარჩენილია ბურჯების კვალი და სხვა. ნაგებობებიდან სოფლის აღმოსავლეთით, დაახლოებით 300 მეტრში, შემორჩენილია სამი ნაგებობის კვალი. შენობები აქაც ბაზალტის ქვითაა ნაგები. დამხრობილია დასავლეთ-აღმოსავლეთის ხაზზე და პირი სამხრეთისკენ აქვს. ნასახლარებიდან ზედაპირული დათვალიერებით ორი სამსენაკიანი ჩანს, ერთი კი მოზრდილი ერთსენაკიანი დარბაზული ტიპის ნაგებობაა სამხრეთ კედელში გაკეთებული შესასვლელით.

წინამდებარე ტექნიკური დავალების ფარგლებში განსაზღვრულია სოფელ ახალშენის ტერიტორიის სრული ტოპოგრაფიული აგეგმა (26 ჰა); ნასოფლარის ყორე ქვის წყობით შემოზღუდული ცენტრალური გზის მონიშნული მონაკვეთების გაწმენდა ამონაყარი მცენარეებისგან და ჩამოცვენილი ქვებისგან; გზის სავალი ნაწილის არსებული ზედაპირიდან გრუნტის მოხსნა და ავთენტური ნიშნულის გამოვლენა.

**❖ ზოგადი სახელმძღვანელო პრინციპები;**

საქართველოს ტერიტორიაზე არსებული კულტურული ფასეულობების მოვლა-პატრონობა და მათი შენარჩუნება უმნიშვნელოვანესი ფაქტორია სახელმწიფოს განვითარების პროცესში. ჩასატარებელი სამუშაოებით მოხდება საქართველოს კულტურული მემკვიდრეობის ნიმუშების რეაბილიტაციისათვის საჭირო ღონისძიებების განხორციელება.

**❖ მიზანი და ძირითადი პირობები;**

ტენდერის მიზანია სოფ. ქვემო ახალშენის ისტორიული ნამოსახლარის კვლევა და ტერიტორიის გაწმენდა. ასევე, უნდა შესრულდეს **26 ჰა** ტერიტორიის ტოპო-გეოდეზიური აგეგმა.

- ტოპოგეგმებზე დატანილი უნდა იქნას ყველა სახის ტოპოგრაფიული ელემენტი; არსებული ხაზოვანი ნაგებობები (გზები და ქუჩები), არსებული ობიექტები GPS კოორდინატების მითითებით და მიწის ზემოთ მოწყობილი ყველა სახის კომუნიკაცია, გაყვანილობის სქემა, ხე-მცენარეები და სხვ.

- ტოპოგრაფიული გადაღება უნდა შესრულდეს 1:500 მასშტაბში ტოპოგრაფიული აგეგმვის ინსტრუქციის შესაბამისად, დაცული უნდა იყოს გეგმური და სიმაღლური სიზუსტე (სიზუსტის ცდომილება არ უნდა აღემატებოდეს 5 სმ);

- ტოპოგრაფიული გეგმის გადაღება უნდა განხორციელდეს WGS 84 კოორდინატთა სისტემაში, UTM პროექციაში;

სამუშაოების ჩატარებისას ყურადღება უნდა მიექცეს სამუშაოთა შესრულების ხარისხს, რომლის დაცვაც სავალდებულოა კულტურული მემკვიდრეობის ძეგლის ფასეული ელემენტების შესანარჩუნებლად.

სამუშაოების მიმდინარეობისას ახლადგამოვლენილი გარემოებ(ებ)ის გამოვლენისა და მისი დასაბუთების შემთხვევაში, პროექტიდან რაიმე გადახვევა, ან მასში ცვლილება, შეთანხმებული უნდა იქნეს შემსყიდველთან.

აღნიშნული სამუშაოები უნდა განხორციელდეს არქეოლოგიური ზედამხედველობის ქვეშ.

მიმწოდებელი შემსყიდველთან შეთანხმებული სამუშაოების გრაფიკის შესაბამისად, სამუშაოების დამთავრებისთანავე წარუდგენს მას ინფორმაციას წერილობითი ანგარიშის სახით გათვალისწინებული სამუშაოების მიმდინარეობის შესახებ. იგი ვალდებულია გაითვალისწინოს შემსყიდველის შენიშვნები და წინადადებები, რაც შემდგომში საფუძვლად დაედება შესრულებული სამუშაოების ანაზღაურებას.

შესრულებული სამუშაოების ანგარიში შემსყიდველს წარედგინება სამ ეგზემპლარად: ელექტრონული ვერსია - კომპაქტური დისკების (CD) სახით (3 ეგზემპლარი), მყარი ასლების სახით (3 ეგზემპლარი), ტექსტური და გრაფიკული მასალის დოკუმენტირებით.

მიმწოდებელი ვალდებულია რეაბილიტაციის დაწყებამდე ძეგლზე დამონტაჟოს ჩასატარებელი სამუშაოების ამსახველი საინფორმაციო ბანერი, რომელიც უნდა შეიცავდეს შემდეგ ინფორმაციას:

- მესაკუთრე;
- შემსყიდველი;
- მიმწოდებელი;
- ჩასატარებელი სამუშაოს სახეობა.

❖ **საპროექტო დოკუმენტაციის წარმოდგენის ფორმა:**

საპროექტო დოკუმენტაცია წარმოდგენილი უნდა იყოს A-3 ფორმატის, ზამბარით აკინძული ალბომის სახით:

- სათაური;
- სატიტულო ფურცელი, დამოწმებული ორგანიზაციის ბეჭდით, ხელმძღვანელისა და პროექტის ავტორ(ებ)ის ხელმოწერ(ებ)ით;
- ალბომის შემადგენლობა;
- შესაბამისი ტექსტუალური ნაწილ(ებ)ი (განმარტებითი ბარათი) დადასტურებული შემსრულებლ(ებ)ის/ავტორ(ებ)ის მიერ - A-4 ფორმატი;
- გრაფიკული ნაწილ(ებ)ი, შტამპით და ჩარჩოთი - A-3 ფორმატი (გამონაკლის შემთხვევაში დასაშვებია განსხვავებული ფორმატის წარმოდგენა, ალბომში აკინძული A3 ფორმატის ზომაზე).

ყველა ფურცელი უნდა იყოს დადასტურებული ხელმძღვანელის, პროექტის ავტორ(ებ)ის/შემსრულებლ(ებ)ის მიერ ხელმოწერებით.

ჩასატარებელი სამუშაოების ჩამონათვალი და ხარჯთაღრიცხვა წარმოდგენილი უნდა იყოს სატიტულო ფურცელი, დამოწმებული ორგანიზაციის ბეჭდით, ხელმძღვანელის და შემდგენელის ხელმოწერ(ებ)ით;

❖ **შემსყიდველისათვის გადასაცემი საბოლოო პროდუქცია**

საბოლოო პროდუქციის სახით წარმოდგენილი უნდა იყოს ტოპოგრაფიული გეგმა.

- მყარი ასლები - 3 ეგზ;

- ელექტრონული ფორმატი (ვექტორული DWG, DXF PLN გაფართოების ფაილი GIS, შეიფ-ფაილები(shp)), კომპაქტური დისკების სახით (CDD- 3 ეგზ.);

❖ **ტექნიკური დავალების დანართების სახით მოცემულია:**

1. ჩასატარებელი სამუშაოების ჩამონათვალი და მოცულობები (სახარჯთაღრიცხვო ფორმა) (**დანართი №1**);
2. ტოპო-გეოდეზიური გადაღების არეალი (**დანართი №2**);
3. განმარტებითი ბარათი (**დანართი №3**);

❖ **შემსყიდველისთვის გადასაცემი საბოლოო პროდუქცია:**

წარმოდგენილი პირობებისა და ვადების ფარგლებში მიმწოდებელმა საბოლოო პროდუქციის სახით შემსყიდველს უნდა გადასცეს შესრულებული სამუშაოები, შესრულებული სამუშაოების ანგარიში (საქართველოს კანონის „კულტურული მემკვიდრეობის შესახებ“ მოთხოვნათა შესაბამისად), შესრულებული სამუშაოების აქტები (ფორმა 2);

❖ **ნორმატიული დოკუმენტები**

მუშაობის პროცესში მიმწოდებელი ვალდებულია სამუშაოები შეასრულოს მოქმედი სამშენებლო ნორმებისა და წესების მიხედვით.

ყველა სამუშაოს განხორციელება მოხდეს საქართველოს მთავრობის 2007წ. 28 მარტის №62 დადგენილების „მშენებლობის უსაფრთხოების წესები“-ს მოთხოვნათა გათვალისწინებით.

❖ **სამუშაოთა საბოლოო მიღება**

მიმწოდებელი ატყობინებს შემსყიდველს სამუშაოთა დასრულების შესახებ, თანახმად გეგმა-გრაფიკისა. შემსყიდველი ამოწმებს შესრულებულ სამუშაოებს. თუ შემსყიდველმა სამუშაოები შეაფასა წუნით, დასრულებულად ჩაითვლება სამუშაოები, დეფექტების აღმოფხვრის შემდეგ.

❖ *სამუშაოთა შესრულების ვადები ეტაპობრივად:*

ტოპოგეგმის ჩაბარების ვადა - *არაუგვიანეს 2019 წლის 10 დეკემბრისა.*

შესრულებული სამუშაოთა ანგარიშის ჩაბარების საბოლოო ვადა განისაზღვროს *ხელშეკრულების დადებიდან 100 კალენდარული დღით.*

**თეთრიწყაროს მუნიციპალიტეტის სოფ. ქვემო ახალშენის ისტორიული ნამოსახლარის ტერიტორიის  
წინასაპროექტო დოკუმენტაციის მომზადების**

**ხარჯთაღრიცხვა**

შედგენილია: არსებული პროექტის საფუძველზე 2018 წლის IV კვარტლის საბაზრო ფასებით

|   | შესასრულებელი სამუშაოების დასახელება                                                                   | განზ | რაოდ  | ერთეულის<br>ღირებულება | ჯამი             |
|---|--------------------------------------------------------------------------------------------------------|------|-------|------------------------|------------------|
| 1 | 2                                                                                                      | 3    | 4     | 5                      | 6                |
| 1 | სოფ. ქვემოახალშენის ისტორიული ნამოსახლარის ტერიტორიის ტოპოგრაფიული აზომვა                              | ჰა   | 26    | 550.00                 | 14300.00         |
| 2 | ნასოფლარის შიგა ქუჩების (1640გრძ.მ) ქსელის გაწმენდა ამონაყარი ხე-მცენარეებისგან                        | მ2   | 6500  | 6.00                   | 39000.00         |
| 3 | მოსახსნელად შერჩეული ხე-მცენარეების მარკირება(ტაქსაცია) სატყეოსთან შეთანხმებით                         | მ2   | 6500  | 0.70                   | 4550.00          |
| 4 | დაფიქსირებული ყორე-ზღუდეების ნაშთების გაწმენდა-შესწავლა არქეოლოგიის ზედამხედველობით                    | მ2   | 2300  | 20.00                  | 46000.00         |
| 5 | გზის სავალი ნაწილის გაწმენდა ჩამოცვენილი ქვებისაგან და მათი გადაწყობა გზის ყორე ზღუდეებზე.             | მ2   | 3280  | 7.00                   | 22960.00         |
| 6 | გზის სავალი ნაწილის არსებული ნიშნულიდან (0.07-0.10 მ) გრუნტის მოხსნა ხელით არქეოლოგიის ზედამხედველობით | მ3   | 278.8 | 35.00                  | 9758.00          |
| 7 | მოხსნილი გტუნტის გატანა ურიკებით 60-70 მ მანძილზე                                                      | მ3   | 278.8 | 12.00                  | 3345.60          |
| 8 | განაკაფი ფიჩხის და ნარჩენების შეგროვება და ა/თვითმცლელეებზე დატვირთვა და ტრანსპორტირება                | ტ    | 91    | 30.28                  | 2755.48          |
|   | <b>ჯამი:</b>                                                                                           |      |       |                        | <b>142669.08</b> |
|   | ზედნადები ხარჯები                                                                                      | 10%  |       |                        | <b>14266.91</b>  |
|   | <b>ჯამი:</b>                                                                                           |      |       |                        | <b>156935.99</b> |
|   | გეგმიური მოგება                                                                                        | 8%   |       |                        | <b>12554.88</b>  |
|   | <b>ჯამი:</b>                                                                                           |      |       |                        | <b>169490.87</b> |
|   | დღგ                                                                                                    | 18%  |       |                        | <b>30508.36</b>  |
|   | <b>ჯამი:</b>                                                                                           |      |       |                        | <b>199999.22</b> |

ა(ა)იპ სიძველეთა დაცვისა და შესწავლის ცენტრი  
"თრიალეთი"-ს გამგეობის თავმჯდომარე

/გოდერძი ნარიმანიშვილი/

თეთრიწყაროს მუნიციპალიტეტის სოფ. ქვემო ახალშენის ისტორიული ნამოსახლარის ტერიტორიის  
წინასაპროექტო დოკუმენტაციის მომზადების

1 ეტაპი

|   | შესასრულებელი სამუშაოების დასახელება                                                                   | განზ | რაოდ | ერთეულის<br>ღირებულება | ჯამი             |
|---|--------------------------------------------------------------------------------------------------------|------|------|------------------------|------------------|
| 1 | 2                                                                                                      | 3    | 4    | 5                      | 6                |
| 1 | სოფ. ქვემოახალშენის ისტორიული ნამოსახლარის ტერიტორიის ტოპოგრაფიული აზომვა                              | ჰა   | 26   | 550.00                 | 14300.00         |
| 2 | ნასოფლარის შიგა ქუჩების (1640გრძ.) ქსელის გაწმენდა ამონაყარი ხე-მცენარეებისგან                         | მ2   | 4500 | 6.00                   | 27000.00         |
| 3 | მოსახსნელად შერჩეული ხე-მცენარეების მარკირება(ტაქსაცია) სატყეოსთან შეთანხმებით                         | მ2   | 4500 | 0.70                   | 3150.00          |
| 4 | დაფიქსირებული ყორე-ზღუდეების ნაშთების გაწმენდა-შესწავლა არქეოლოგიის ზედამხედველობით                    | მ2   | 2000 | 20.00                  | 40000.00         |
| 5 | გზის სავალი ნაწილის გაწმენდა ჩამოცვენილი ქვებისაგან და მათი გადაწყობა გზის ყორე ზღუდეებზე.             | მ2   | 3000 | 7.00                   | 21000.00         |
| 6 | გზის სავალი ნაწილის არსებული ნიშნულიდან (0.07-0.10 მ) გრუნტის მოხსნა ხელით არქეოლოგიის ზედამხედველობით | მ3   | 200  | 35.00                  | 7000.00          |
| 7 | მოხსნილი გტუნტის გატანა ურიკებით 60-70 მ მანძილზე                                                      | მ3   | 200  | 12.00                  | 2400.00          |
| 8 | განაკაფი ფიჩხის და ნარჩენების შეგროვება და ა/თვითმცლელეებზე დატვირთვა და ტრანსპორტირება                | ტ    | 10   | 30.28                  | 302.80           |
|   | <b>ჯამი:</b>                                                                                           |      |      |                        | <b>115152.80</b> |
|   | ზედნადები ხარჯები                                                                                      | 10%  |      |                        | <b>11515.28</b>  |
|   | <b>ჯამი:</b>                                                                                           |      |      |                        | <b>126668.08</b> |
|   | გეგმიური მოგება                                                                                        | 8%   |      |                        | <b>10133.45</b>  |
|   | <b>ჯამი:</b>                                                                                           |      |      |                        | <b>136801.53</b> |
|   | დღგ                                                                                                    | 18%  |      |                        | <b>24624.27</b>  |
|   | <b>ჯამი:</b>                                                                                           |      |      |                        | <b>161425.80</b> |

ა(ა)იპ სიძველეთა დაცვისა და შესწავლის ცენტრი  
"ორიალეთი"-ს გამგეობის თავმჯდომარე

/გოდერძი ნარიმანიშვილი/

**თეთრიწყაროს მუნიციპალიტეტის სოფ. ქვემო ახალშენის ისტორიული ნამოსახლარის ტერიტორიის  
წინასაპროექტო დოკუმენტაციის მომზადების**

**2 ეტაპი**

|   | შესასრულებელი სამუშაოების დასახელება                                                                   | განზ | რაოდ | ერთეულის<br>ღირებულება | ჯამი            |
|---|--------------------------------------------------------------------------------------------------------|------|------|------------------------|-----------------|
| 1 | 2                                                                                                      | 3    | 4    | 5                      | 6               |
| 1 | სოფ. ქვემოახალშენის ისტორიული ნამოსახლარის ტერიტორიის ტოპოგრაფიული აზომვა                              | ჰა   | 0    | 550.00                 | 0.00            |
| 2 | ნასოფლარის შიგა ქუჩების (1640გრძ.) ქსელის გაწმენდა ამონაყარი ხე-მცენარეებისგან                         | მ2   | 2000 | 6.00                   | 12000.00        |
| 3 | მოსახსნელად შერჩეული ხემცენარეების მარკირება(ტაქსაცია) სატყეოსთან შეთანხმებით                          | მ2   | 2000 | 0.70                   | 1400.00         |
| 4 | დაფიქსირებული ყორე-ზღუდეების ნაშთების გაწმენდა-შესწავლა არქეოლოგიის ზედამხედველობით                    | მ2   | 300  | 20.00                  | 6000.00         |
| 5 | გზის სავალი ნაწილის გაწმენდა ჩამოცვენილი ქვებისაგან და მათი გადაწყობა გზის ყორე ზღუდეებზე.             | მ2   | 280  | 7.00                   | 1960.00         |
| 6 | გზის სავალი ნაწილის არსებული ნიშნულიდან (0.07-0.10 მ) გრუნტის მოხსნა ხელით არქეოლოგიის ზედამხედველობით | მ3   | 78.8 | 35.00                  | 2758.00         |
| 7 | მოხსნილი გტუნტის გატანა ურიკებით 60-70 მ მანძილზე                                                      | მ3   | 78.8 | 12.00                  | 945.60          |
| 8 | განაკაფი ფიჩხის და ნარჩენების შეგროვება და ა/თვითმცლელეებზე დატვირთვა და ტრანსპორტირება                | ტ    | 81   | 30.28                  | 2452.68         |
|   | <b>ჯამი:</b>                                                                                           |      |      |                        | <b>27516.28</b> |
|   | ზედნადები ხარჯები                                                                                      | 10%  |      |                        | <b>2751.63</b>  |
|   | <b>ჯამი:</b>                                                                                           |      |      |                        | <b>30267.91</b> |
|   | გეგმიური მოგება                                                                                        | 8%   |      |                        | <b>2421.43</b>  |
|   | <b>ჯამი:</b>                                                                                           |      |      |                        | <b>32689.34</b> |
|   | დღგ                                                                                                    | 18%  |      |                        | <b>5884.08</b>  |
|   | <b>ჯამი:</b>                                                                                           |      |      |                        | <b>38573.42</b> |

ა(ა)იპ სიძველეთა დაცვისა და შესწავლის ცენტრი  
"ორიალეთი"-ს გამგეობის თავმჯდომარე

/გოდერძი ნარიმანიშვილი/

თეთრიწყაროს მუნიციპალიტეტის სოფ. ქვემო ახალშენის ისტორიული ნამოსახლარის ტერიტორიის წინასაპროექტო დოკუმენტაციის მომზადების გეგმა-გრაფიკი

|   | ეტაპები                                                                                                | 1 ეტაპი: 2019 წლის 10 დეკემბრის ჩათვლით |           | 2 ეტაპი: 2019 წლის 11 დეკემბრიდან |         |           |
|---|--------------------------------------------------------------------------------------------------------|-----------------------------------------|-----------|-----------------------------------|---------|-----------|
|   | თვეები                                                                                                 | ნოემბერი                                | დეკემბერი | დეკემბერი                         | იანვარი | თებერვალი |
|   | დღეები                                                                                                 | 9                                       | 10        | 21                                | 31      | 29        |
| 1 | სოფ. ქვემოახალშენის ისტორიული ნამოსახლარის ტერიტორიის ტოპოგრაფიული აზომვა                              |                                         |           |                                   |         |           |
| 2 | ნასოფლარის შიგა ქუჩების (1640გრძ.მ) ქსელის გაწმენდა ამონაყარი ხე-მცენარეებისგან                        |                                         |           |                                   |         |           |
| 3 | მოსახსნელად შერჩეული ხე-მცენარეების მარკირება(ტაქსაცია) სატყეოსთან შეთანხმებით                         |                                         |           |                                   |         |           |
| 4 | დაფიქსირებული ყორე-ზღუდეების ნაშთების გაწმენდა-შესწავლა არქეოლოგიის ზედამხედველობით                    |                                         |           |                                   |         |           |
| 5 | გზის სავალი ნაწილის გაწმენდა ჩამოცვენილი ქვებისაგან და მათი გადაწყობა გზის ყორე ზღუდეებზე.             |                                         |           |                                   |         |           |
| 6 | გზის სავალი ნაწილის არსებული ნიშნულიდან (0.07-0.10 მ) გრუნტის მოხსნა ხელით არქეოლოგიის ზედამხედველობით |                                         |           |                                   |         |           |
| 7 | მოხსნილი გტუნტის გატანა ურიკებით 60-70 მ მანძილზე                                                      |                                         |           |                                   |         |           |
| 8 | განაკაფი ფიჩხის და ნარჩენების შეგროვება და ა/თვითმცლელებზე დატვირთვა და ტრანსპორტირება                 |                                         |           |                                   |         |           |

ა(ა)იპ სიძველეთა დაცვისა და შესწავლის ცენტრი  
"თრიალეთი"-ს გამგეობის თავმჯდომარე

/გოდერძი ნარიმანიშვილი/